

laudabilem perduc finem. O dulcissime atque amantissime Jesu ! ecce sto ante te pauper et nudus, gratiam postulans et misericordiam implorans ; accende frigiditatem meam igne amoris tui ; verte mihi omnia terrena in amaritudinem ; omnia infama et creata in contemptum et oblivionem. Tu solus mihi ex hoc jam dulcescas usque in saeculum. Utinam me totaliter ex tua praesentia accendas, comburas et in te transmutes ; ut unus tecum efficiar spiritus per gratiam internae unionis et liquefactionem ardentis amoris ! operare, Domine, mecum misericorditer, sicut saepius operatus es cum sanctis tuis mirabiliter. O ignis semper ardens et numquam deficiens ! O amor corda purificans et intellectum illuminans !

Intuere quoque, benignissime Jesu, pia desideria devotorum, necessitates parentum, amicorum, fratribus, sororum, omniumque charorum meorum et eorum qui mihi vel aliis propter amorem tuum benefecerunt, et qui orationes et Missas pro se suisque omnibus dici a me desideraverunt et petierunt, sive in carne adhuc vivant, sive jam saeculo defuncti sint ; ut omnes sibi auxilium gratiae, opem consolationis, protectionem a periculis, liberationem a poenis advenire sentiant ; et ut ab omnibus malis eripi, gratias tibi magnificas laeti persolvant. Offero etiam tibi preces et hostias placationis pro iis qui mihi umquam damnum aliquod vel gravamen intulerunt, vel quos ego gravavi vel scandalizavi. Aufer, Domine, a cordibus nostris omnem suspicionem, indignationem, iram et disceptationem, et quidquid potest charitatem londere aut fraternalm dilectionem minuere. Miserere, Domine, misericordiam tuam poscentibus ; da gratiam indigentibus et fac nos tales existere, ut simus digni gratia tua perfaci et ad vitam proficiamus eternam. Amen.

Anima Christi, etc. pag. 45.

Oratio ad B. M. V.

Sancta Maria, Mater Dei, tu quæ es *Refugium peccatorum et Christianorum auxilium*, in me oculos misericordiae tuæ e summo celorum habitaculo concice, benignoque tuo interventu obtine mihi remissionem omnium meorum peccatorum, summum de peccatis commissis dolorem et gratiam Dei fortem et triumphaticem, ut numquam amplius ea perpetrem. Amen.

Oratio ad Sanctos.

Obsecro clementiam tuam, omnipotens, sempiterne Deus, da mihi per hæc immaculata Mysteria, quæ tibi hodie obtuli, intercessione S. Angeli Custodis, S. Joseph, SS. Patronorum meorum N. N. et Sancti N., Spiritum tuum bonum, Spiritum sapientiæ et intellectus, Spiritum consilii et fortitudinis, Spiritum scientiæ et pietatis, et requiescat super me Spiritus timoris tui. Amen.

DIES XXV.

ANTE MISSAM.

Aliud est etiam, lacrymis uberrimis dignum, quod ob nonnullorum sacerdotum incuriam aut impietatem sacrosancta Mysteria tam indigne tractentur, ut qui illa tractant, videantur non credere Majestatem Domini esse presentem. Sic enim aliqui sine spiritu, sine affectu, sine timore, festinatione incredibili Sacrum percipiunt, quasi fide Christum non viderent, aut ab eo se videri non crederent. (Bened. XIV in Bullario.)

Præparatio ex S. Augustino.

Pulcherime Jesu Christe, rogo te per illam sacratissimam Sanguinis tui pretiosi effusionem, da mihi cordis contritionem et lacrymarum fontem dum Mysterium nostræ Redemtionis, manifestum misericordiæ tue indicium, recolo, cupieus offerre illud mirabile et cœleste Sacrificium, omni reverentia et devotione dignissimum, quod tu, Domine Deus meus, Sacerdos immaculate, instituisti et facere præcepisti in commemorationem tue charitatis, Mortis scilicet et Passionis, pro salute nostra, pro quotidiana nostræ fragilitatis reparatione. Confirmetur mens mea inter tanta Mysteria dulcedine præsentia tue, sentiat te sibi adesse et lætetur coram te. O ignis, qui semper luces; amor qui semper ardes. Dulcis Christe, bone Jesu, lumen æternum et indeficiens. Panis vitæ, qui nos reflicis et in te non deficit; quotidie comederis et semper integer manes. Resplende mihi, accende me, illumina et sanctifica animam meam, de malitia evanca, imple de gratia et plenam conserva; ut ad salutem meam manducem cibum Sanctissimæ Carnis tue; quatenus manducando te, vivam de te, vivam per te, perveniam ad te et requiescam in te.

Actus adorationis, fidei et amoris.

O Domine, Deus meus, qui Trinus es in Personis, et Unus in Essentia, et tu, Domine mi Jesu Christe, verus Deus et Homo, te adoro, ex toto corde meo, et confiteor te verum et unicum creatorem, salvatorem et unicum finem meum, in Altaris Sacramento, vere, realiter et substantialiter sub speciebus Panis et Vini præsentem. Et quia nimis humilis est mea adoratio, offero tibi excellentissimas adorationes, quas tibi incessanter offerunt et sine fine offerent tua sanctissima

Humanitas et immaculatissima tua Mater et Regina nostra cum tota cœlesti curia, sanctaque Mater Ecclesia, dilecta tua sponsa.

Insuper, o Domine Deus meus, toto corde, tota mente, tota fortitudine et omnibus viribus meis amo te et semper te volo amare super omnia. Et, si fieri posset, optarem ac vellem te posse amare illo perfectissimo amore, quo tu te ipsum amas et quo te amat sanctissima tua Humanitas, Sacratissima Virgo Maria, tota Cœlestis Curia, et universa Ecclesia Catholica.

Oratio S. Joannis Damasceni.

Princeps Domine noster Jesu Christe Deus noster, solus habens potestatem hominibus remittendi peccata, ut summe bonus et benevolus in homines remitte mihi omnia, quæ scienter et ignoranter commisi, delicta. Atque concede, ut citra condemnationem particeps efficiar divini, gloriosi, puri et vivifici Sacramenti, non in angorem, non in supplicium, non in accessionem peccatorum; sed in purificationem, in sanctificationem et arrabonem vitæ et regni, quæ ventura sunt. In munimentum et auxilium, in depulsionem adversariorum, in abolitionem multitudinis peccatorum meorum. Tu enim es Deus misericordiæ et miserationum et dilectionis in genus humani. Et tibi gloriam impendimus cum Patre et Spiritu Sancto, nunc et semper, et in sæcula sæculorum. Amen.

Directio intentionis.

Deus, qui de indignis dignos facis, et de peccatoribus justos, et de immundis mundos: munda cor et corpus meum ab omni contagione et sorde pec-

cati et fac me dignum atque strenuum sanctis Altaribus tuis ministrum. Concede propitius, ut in hoc Altari, ad quod indignus accedo, Hostias acceptabiles atque placabiles offeram pietati tuae pro peccatis et offensionibus, innumerisque et quotidianis excessibus meis, atque cunctorum simul Christianorum culpis abluendis : et per eum sit tibi votum meum accep-
tabile, qui se tibi, Deo patri, pro nobis obtulit sacri-
ficium, et tecum vivit et regnat in unitate Spiritus
Sancti Deus, per omnia saecula saeculorum. Amen.

Oratio ad B. M. V.

Regina Angelorum, super quorum choros exaltari
meruisti ad coelestia regna, impetra mihi, ut semper
Mysteria Domini mei Iesu-Christi pertractem summa
illa cum reverentia et amoris ardore, quibuscum
Angeli illum adorant in celo, illique trementes
assistunt ; et per vite puritatem cor meum sem-
per maneat amicum Regis Angelorum habitacu-
lum. Amen.

Oratio ad Sanctos.

Tibi Domine Deus, merita S. Angeli Custodis, S.
Joseph, SS. Patronorum meorum N. N. et Sancti N.
offer, ut quod mihi deest ipsa suppliant ; ne ad
Altare tuum et ad Sacram Corporis et Sanguinis tui
communionem accedam indebita, et maledictionem
inde loco benedictionis referam. Amen.

DIES XXV.

POST MISSAM.

Oratio post Missam ex B. Petro Canisio.

Benignissime Jesu, miratur Ecclesia quod divae
Virginis, omnibus virtutibus ornatae, uterum non hor-
rueris ; et ecce in meo pectore, velut in immundo
stabulo, inter foeda monstra turbamque tumultuan-
tem passionum effrenatarum, nec grave nec indecor-
rum putas divinæ Majestati tuae versari. Adoro te,
et quanta possum animi corporisque submissione
palam agnosco, me esse opus manum tuarum. Credo,
te Redemptorem meum hic sub speciebus Panis
et Vini esse præsentem. Flagrantissime desidero nunc
et semper Sanctorum omnium adorationibus Divinam
Majestatem tuam venerari. Ex animo tibi gratias ago,
quod me cibaveris tua Sanctissima Carne, potaveris
pretiosissimo Sanguine, me feceris convivam tuum
et sanctissimæ Trinitatis domicilium, templum,
thronum. In gratiarum actionem, cum ex parte mea
indignus sim et imbecillus totus, offero tibi gratitu-
dinem, quæ tibi a Beatis omnibus, a Virgine Matre
tua exhibetur, et simul offero honorem, quem Sanctissima Trinitas ipsa tibi tribuit. Confige nunc, Domi-
ne, timore tuo carnes meas, et fac me semper tuis in-
hærere mandatis, et a te, me numquam separari
permittas. Da gratiam, Domine Jesu, præbe mihi
auxiliatricem manum tuam, sine qua nihil possum.

Oratio

QUE ATTRIBUITUR S. THOMÆ APOST.

Sit nobis hoc Sacramentum tuum, Domine Jesu,

ad vitam, sit ad remissionem peccatorum. Siquidem pro nobis Passio tua celebrata est. Tu pro nobis fel illud bibisti, ut omnis in nobis adversarii amaritudo moreretur. Pro nobis tu quoque bibisti acetum, ut nostra lassitudine confortaretur. Pro nobis consputatus es, ut immortalis nos rore perfunderes. Percus-sus es a calamo fragili, ut fragilitatem nostram vitæ perpetuae æternitatique firmares. Coronatus es spinis, ut virenti semper in te credentes charitatis tuæ laurea coronares. Involutus præterea fuisti sindone, ut nos quoque virtutis tuæ involucro vestires. In se-pulchro poni voluisti novo, ut nobis novam gratiam, nova sæcula reformares. Fiat igitur nobis hæc Eu-charistia ad vitam et viscera misericordiæ, et gratiam salutis, sanitatemque animarum nostrarum. Amen.

Anima Christi, etc. pag. 45.

Oratio ex S. Thoma Aquinate.

Concede mihi, quæso, omnipotens et misericors Deus, quæ tibi placita sunt ardenter concupiscere, prudenter investigare, veraciter cognoscere et perfe-cte adimplere.

Ad laudem et gloriam nominis tui ordina statum meum ; et quod a me requiris ut faciam, tribue ut sciam, possim et velim ; et da exequi sicut oportet et expedit saluti animæ meæ.

Via mihi, quæso, ad te sit tuta, recta et consummata, non deficiens inter prospera et adversa : ut in illis non extollar et in istis non deprimar : In prospe-riæ gratias tibi referam et in adversis servem patientiam : de nullo gaudeam vel doleam, nisi quod pro-moveat ad te, vel quod abducat a te. Nulli placere appetam, vel desplicere timeam, nisi tibi,

Omnia in charitate da facere, et quod ad cultum tuum non pertinet, quasi mortuum reputare.

Vilescant mihi omnia transitoria propter te, et ca-ra mihi sint omnia tua, et tu, Deus meus, plus quam omnia. Delectet me omnis labor, qui est pro-te, et tædiosa sit mihi omnis quies, quæ non est in te.

Frequenter et ferventer da mihi, dulcissime Domi-ne, cor meum ad te dirigere, et defectionem meam cum emendationis proposito dolendo pensare.

Fac me, Deus meus, humilem sine fictione, hilarem sine dissolutione, tristem sine dejectione, matu-rem sine gravitate, agilem sine levitate, veracem si-ne duplicitate, timentem sine desperatione, in te sperantem sine præsumptione, castum sine corruptione, proximum corripere sine indignatione, ipsum-que adificare verbo et exemplo sine elatione, obe-dientem sine contradictione, patientem sine mur-muratione.

Da mihi, dulcissime Jesu, cor pervigil, quod nulla a te abducatur curiosa cogitatio : da immobile, quod nulla deorsum trahat indigna affectio : da invictum, quod nulla fatiget tribulatio : da liberum, quod nulla sibi vindicet violenta delectatio : da rectum quod nulla seorsum obliquet sinistra intentio.

Largire mihi, dulcissime Deus intellectum te co-gnoscentem, diligientiam te quærentem, sapientiam te invenientem, conversationem tibi placentem, perseverantiam te dulciter et fiducialiter expectantem, fiduciam te fideliter amplectentem. Da tuis penitentiis configi per poenitentiam, tuis beneficiis uti in vita per gratiam, et tandem tuis gaudiis in patria frui per gloriam. Qui cum Patre et Spiritu Sancto vivis et regnas in sæculorum sæculorum. Amen.

Oratio ad B. M. V.

Concede mihi, o benignissima Virgo et *Regina An-*

gelorum, tuarum preuum auxilium ; ut qui toties Angelorum Pane et Vino germinante virgines in sacra Communione nutritae, vita etiam undequaque pura et casta me tanto honore et gratia dignum exhibeam Amen.

Oratio ad Sanctos.

Interveniant pro me, Domine Jesu-Christe, apud tuam clementiam S. Angelus Custos, S. Joseph, SS. Patroni mei N. N. et Sanctus N., ut ipsorum meritis quidquid in oblatione hujus Sacrificii tum negligentia, tum præparationis insufficientia commiserim, misericorditer mihi condonetur, et Panis Eucharisticus, omnem in se habens delectamentum, dulcedine saporis sui viscera animæ meæ replete. Amen.

DIES XXVI.

ANTE MISSAM.

Non breviorem triente non longiorem dimidia hora debere esse Missam ; quia breviori spatio non possunt omnia debito honore peragi ; et longior tedium esset adstantibus (Card. Lambertini Not. 29.).

Non sis in celebrando nimis prolixus aut festinus sed serva bonum communem modum cum quibus vivis. (Imit. Christi, Lib. 4).

Directio intentionis.

O Domine Jesu Christe, ego intendo celebrare et consecrare eo modo, quo tu instituisti et dedisti mihi tuam auctoritatem. Intendo offerre istud Sacrificium, ante thronum Sanctissimæ Trinitatis, in cuius memoriam, sicut tu, Deus meus, ordinasti.

O sancta Trinitas, suscipe hoc sanctum Sacrificium ad honorem, laudem, et gloriam tuam, salutemque animæ meæ, atque proximi mei. Accipe, Domine, oblationem istam pro illis, quibus promisi, et teneor, et vis a me orari.

Te precor, Domine Jesu Christe, pro omnibus illis, pro quibus orare decrevi, et quibus sum coniunctus mihiique conjuncti sunt spirituali participatione, consanguinitate, affinitate, familiaritate, commendatione, eleemosynarum largitione, et qui pro me orant, pro quibus debitor sum, et qui se commendarunt orationibus meis ; et pro cuncto populo christiano, et pro Congregatione nostra : et pro omnibus Prælatis sanctæ Romanæ Ecclesiæ et Congregationis nostræ ; ut eos in tuo sancto servitio humiliter, fideliter et devote perseverare facias : et pro omnibus fidelibus Christianis, vivis atque defunctis, in quacumque angustia et tribulatione positis, tam in terra quam in mari : miserere et tribulatis succurre. Amen.

Actus fidei ex S. Chrysostomo.

Credo et confiteor, te verum esse Christum, Filium Dei viventis, qui in hunc mundum venisti ad servandum peccatores, inter quos primus ego sum. Credo etiam quod hoc idem est immaculatum Corpus tuum, et hoc idem pretiosus Sanguis tuus. Te deprecor igitur miserere mei et remitte mihi delicta mea spontanea et non spontanea, in dictis et factis, scienter vel ignoranter commissa. Dignare me citra judicium fieri participem immaculatorum Mysteriorum tuorum, in remissionem peccatorum et vitam æternam. Amen.

Actus contritionis et fiduciae

EX S. BASILIO.

Novi, Domine, indignum me, qui fiam particeps immaculati tui Corporis et Sanguinis pretiosi. Et reus sum et judicium mihi manduco et bibo, non dijudicans Corpus et Sanguinem tuum, Christe Deus meus. Sed miserationibus tuis fretus ad te venio, qui dixisti: qui manducat meam Carnem et bibit meum Sanguinem, in me manet, et ego in eo. Miserere ergo, Domine, ne traducas me peccatorem; sed age mecum secundum misericordiam tuam. Et fiant mihi haec sancta Mysteria in medelam, in purificationem, in illustrationem, in antidotum, in salutem et sanctificationem animae et corporis; in aversionem omnis imaginationis et actionis pravae efficacieque diabolice, quae secundum sensum in me operatur. Sint in fiduciam et dilectionem quae tendit in te. In emendationem vitae et securitatem. In augmentum virtutis et perfectionis. In consummationem mandatorum. In Spiritum Sancti communionem. In viaticum aeternae vitae. In defensionem acceptabilem apud tremendum tribunal tuum.

Oratio ad B. M. V.

Regina Patriarcarum, quorum expectationem dando nobis Salvatorem implevisti, quibusque sanctae spei merito excellentiore evasisti, fac benignissimo tuo interventu, ut fiducialiter ad Altaris mysteria accedam, et vitam, quam Filius tuus sumentibus se promisit, ex Eucharistico cibo abundantanter haurire merear. Amen.

Oratio ad Sanctos.

Illa me fide, spe, charitate, devotionis fervore co-

terisque virtutibus orna, Domine Jesu-Christe, qui bus ornati omnes sancti Sacerdotes ab initio usque ad praesens tremendum Sacrificium tibi obtulerunt; hoc oro te ut mihi concedas per merita et intercessio nem S. Angeli Custodis, S. Joseph, SS. Patronorum meorum N. N. et Sancti N. cuius hodie festum sancta recolit Ecclesia. Amen.

DIES XXVI.

POST MISSAM.

Gratiarum actio

EX NICOLAO SALICETO.

Gratias tibi ago, vera vita viventium, Jesu Christe, Redemptor alme, qui propter nos pauperes consolandas, quos tamquam peregrinos et orphanos in hac terra reliquisti, per ministerium Sacerdotis aperis celos, et descendis et imples omnem terram benedictione. Qui manibus hominis non dignaris attractari, benedici, et consecrari in nostram salutem. Tibi, Domino, Deo nostro, magno et immenso, aeterno et excelsa, laus, gloria et gratiarum actio nunc et in perpetuum. O inestimabilis dilectio charitatis tuae, Domine Jesu Christe benigne, ut nos indignos Patri tuo reconcilies, te ipsum exhibes victimam salutarem. Immensam igitur misericordiae tuae clementiam suppliciter exoro, quatenus hoc summam charitatis Sacramentum mihi, cunctisque fidelibus, sit contra vulnera peccatorum efficacissimum medicamentum, ac omnis virtutis et gratiae complementum. Amen.

Pii affectus ad Jesum.

O Jesu bone! quid mihi est in cœlo et a te quid

volui super terram ? Jam plenum est desiderium meum, plenum gaudium cordis mei : quia tu es plenitudo mea, omne bonum et desiderium meum. Refice, Domine, esurientem animam meam : accende frigiditatem meam igne amoris tui : illumina cætitatem meam claritate præsentiae tuae. Verte mihi omnia terrena in amaritudinem ; omnia infima et creata in contemptum et oblivionem. Erige cor meum ad te in cœlum, et ne permittas me vagari super terram. Penetret, quæso, hujus Sacramentivæ virtus omnia intima mea : et quidquid in me pravum, quidquid vitiosum est, mortificet et eradacet. In te, Jesu suavissime, sit omnis delectatio mea : tædeat me gaudii, quod est sine te ; amara sit mihi omnis quies, quæ non est in te. Emitte ex te, benignissime Jesu, amoris tui radios, qui me succendant, et quidquid terrenum in me est comburant et consumant : ut igne inextinguibili charitatis tuae ardeam, et vetus in me homo totus deficiat. Utinam me rapiat ignita vis amoris tui, quæ me transformet in te, et in te absorbeat, ac me tecum unum efficiat !

Aspirations ad Jesum.

Da mihi, Domine Jesu, ut dulcedine amoris tui plenus, flamma cœlestis charitatis totus exardescam. Confige, et transverbera cor meum acutissimo dilectionis tuae telo, ut langueam amore tui. Da mihi, ut anima mea amoris tui dulcedine tota colliquescat in te ; posside eam totam, ut ipsa possideat te. Utinam, o Jesu, metibi ita conjungas, me tibi ita conglutines, ut numquam a te separer ! Amen.

Anima Christi, etc. pag. 45.

Oratio.

CLEMENTIS I. PAPÆ.

Domine, Deus omnipotens, Pater Christi, Filii tui benedicti, exauditor invocantium te in rectitudine, qui scis interpellationes tacentium, gratias tibi agimus, quod facisti nos dignos participationis sanctorum Mysteriorum tuorum, quæ præbuisti nobis in confirmationem eorum, quæ bene cognita sunt ; in custodiam pietatis, in remissionem peccatorum, quoniam nomen Christi tui invocatum est super nos, et tibi conciliati sumus. Qui segregasti nos a communicatione impiorum, conjunge nos cum consecratis tibi ; confirma nos in veritate Sancti Spiritus superventione. Ignorate revela, quæ desunt exple ; cognita corroborata ; Sacerdotes immaculatos tuere in servitute tua ; Reges conserva in pace ; magistratus in iustitia ; cœlum in salubritate ; fructus in fertilitate ; mundum in providentia omni ex parte sufficienti Nationes bellicosas reprime ; errantes converte ; populum tuum sanctifica ; virgines conserva ; matrimonio junctos custodi in fide : ignorantes corroborata ; infantes ad virilem ætatem perduc ; novitos confirma ; catechumenos instrue et imitatione dignos redde, nosque omnes congrega in regnum cœlorum, in Christo Jesu, Domino nostro, cum quo tibi gloria, honor, cultus, et Sancto Spiritui in sœcula. Amen.

Oratio ad B. M. V.

Sancta Maria, *Regina Patriarcharum*, tu me pauperum famulum tuum potenti tuo patrocinio adjuva, ut mihi, infirmo et ad peccandum proclivi, cibus Eucharisticus sit contra insidias inimicorum meorum firma defensio et mei finis felix consumma-

tio, ac tandem eumdem Deum, et Dominum meum, Jesum-Christum, tecum sine velamine videre, æternum possidere valeam. Amen.

Oratio ad Sanctos.

Te quoque deprecor, Domine Deus meus, ut intercessione S. Angeli Custodis, S. Joseph, SS. Patronorum meorum N. N. et Sancti N. sacrosancta Sacra menta, quæ sumpsi, amorem proprium in me enecent, fomentum ardoris libidinis in me extinguant, et accendant in me tui amoris ignem, quem venisti mittere in terram. Amen.

DIES XXVII.

ANTE MISSAM.

O quam magnum et honorabile est officium sacerdotum, quibus datum est Dominum majestatis verbis sacris consecrare, labiis benedicere, manibus tenere, ore proprio sumere et cœteris ministrare ! O quam mundæ debent esse manus istæ, quam purum os, quam sanctum corpus, quam immaculatum cor sacerdotis, ad quem totius ingreditur auctor puritatis ! (Imit. Christi, Lib. 4)

Actus virtutum Theologicarum.

O Christe Jesu, verus Deus et Homo, unius cum Patre substantiæ, majestatis et potentiae; firma fide credo ac profiteor, quia tu vere ac re ipsa præsens es in hoc Sacramento. Tu enim ipsa veritas dixisti : Hoc est Corpus meum ; hic est Calix Sanguinis mei. Credo quidquid dixit Dei Filius, nil hoc verbo veritatis verius.

O Domine virtutum, beatus homo, qui sperat in te. Quare tristis es anima mea, et quare conturbas me ? Spera in Deum omnis boni fontem et gratiæ auctorem, quem in hoc Sacramento possides. Accede, o anima mea, ad eum confidenter, quoniam suavis et mitis, et multæ misericordiæ est omnibus invocantibus se. Ille solus dare potest omnia, quia super omnia potens est ; imo dare vult omnia, quia summe bonus est. O spes mea, Deus, propter hoc lætatum est cor meum, dum te ipsum in hoc Sacramento recipio ; quia spero, plane te nihil non daturum, qui nobis dedisti te ipsum. In te, Domine, confido, non confundas me ab expectatione mea.

O dulcissime Salvator, Christe Jesu, quanta fuit tui vis amoris, quæ te traxit e sinu Patris in hanc lacrymarum vallem, ut humanam carnem assumeres, infinitas miserias, injurias, imo crucem mortemque subires ; idque solum propter miseros nos homines et propter nostram salutem. Ex amore itaque ad nos in carnem venisti : et demum abiturus ex hoc mundo ad Patrem, in pignus amoris hoc Sacramentum nobis reliquisti, ut modo prorsus novo et mirabili semper maneres nobiscum, cuius deliciæ sunt esse cum filiis hominum. O Domine, quantum dignus es amari, qui tanta facis amore nostri ? Diligam itaque te, Domine fortitudo mea, Domine firmamentum meum, et refugium meum et liberator meus. Cupio nunc te, Domine Jesu, suscipere in hoc Sacramento, ut tibi firmius uniar amoris vinculo, et perpetuo tibi unitus maneam.

Oratio

S. HIERONYMI, VIATICUM SUSCEPTURI.

Proprius quæso, Domine, esto huic peccatori, ut sis mihi in adjutorium et in locum refugii; ut salvum me facias; et tunc, si ambulem in medio umbræ mortis, non timebo mala, quoniam tu mecum es. Mortuus en, pie Jesu, jaceo; exurge, resuscita me et confitebor tibi. Eger et infirmus sum, cui nulla est amplius in carne sanitas; medicus es, sana me. Nudus affligor frigore: dives es, indue me. Fame in hac solitudine pereo; cibus es, satia me. Sitio; salubre poculum es, inebria me. Infixus sum in limo profundi, et non est substantia. Veni in altitudinem maris, et tempestas demersit me. Laboravi clamans, raucae factæ sunt fauces meæ. Jam intraverunt aquæ usque ad animam meam. Educ me de laqueo isto protector meus, gubernator meus, firmamentum meum, refugium meum, dux meus, rex meus, et Deus meus.

Directio intentionis

EX B. PETRO CANISIO.

Suscipe, Sancta Trinitas, unus Deus, Sacrosanctum hoc Sacrificium Corporis et Sanguinis Domini nostri Iesu-Christi quod ego indignus peccator, juxta potestatem mihi datam, una cum Sacrificiis umquam oblatis aut offerendis, unitum sanctissimo Sacrificio, ab eodem Domino nostro in ultima cena et in ara Crucis oblato, offero divinae tue Majestati, cum omni possibili pietatis affectu, ex puro amore divinae tue bonitatis, secundum sanctissimam ejus-

dem Domini nostri et sanctæ Matris Ecclesiae intentionem. Amen.

Oratio ad B. M. V.

Regina Prophetarum, a prophetis prænuntiata, et majore præ illis fidei lumine ditata, fac ut vivida fide in realem Jesu-Christi præsentiam reverenter semper et devote sanctissimum Missæ Sacrificium offerens, continuo fides illa, quæ vere est medulla sacerdotalis ministerii, profundiores in me radices agat. Amen.

Oratio ad Sanctos.

Misericordissime Domine Jesu, rogo te per intercessionem S. Angeli Custodis, S. Joseph, SS. Patronorum meorum N.N. et Sancti N., ut qui me in numerum tuorum Sacerdotum tua ineffabili benignitate admittere voluisti, animam meam, per quotidiam divinissimi Sacrificii oblationem, omnibus virtutibus Sacerdotalibus ornare digneris. Amen.

DIES XXVII.

POST MISSAM.

Gratiarum actio

EX MISSA S. CHRYSOSTOMI.

Gratias tibi agimus, clementissime Dominator, Redemptor animarum nostrarum, quoniam et præsenti hac die colestibus et immortalibus Mysteriis nos dignos fecisti. Tu dirige viam nostram. Serva nos in timore tuo. Tuere vitam nostram. Gressus

nostros firma orationibus et intercessionibus sanctæ et gloriæ Dei Genitricis et semper Virginis Mariæ. Exaltare super cœlos, Deus, et super omnem terram gloria tua, nunc et semper et in sœcula sœculorum. Amen.

Gratiarum Actio

EX MICHAELE, EPISC. MEROBURGENSI.

Omnipotens Deus, gratias ago tue paternæ bonitati, quam in me et in omnes miseros peccatores hoc ipso declarasti, quod nostræ salutis causa Filium tibi unice dilectum pro peccatis nostris mortem pati voluisti. Gratias tibi ago, benignissime Deus, Iesu Christe, Fili Dei vivi, pro obedientia tua promptissima, quam pro me et omnibus miseris peccatoribus Deo Patri prestatisti, quodque innocens nostrorum criminum debita in te sumpsisti ac mortis supplicium nostræ salutis causa pertulisti; ut nos tua morte vivificares et a morte perpetua liberas. Gratias ago tibi, qui mihi indigno Corpus et Sanguinem tuum, quæjam olim mihi redimendo impendisti, nunc in cibum largiri dignaris, quo in te conservare et habeam vitam æternam.

Oratio S. Thomæ Aquinatis.

Piissime Deus meus, misericordia mea, remitte mihi indigno Sacerdoti, quod ad celebranda sacratissima Altaris tui Mysteria accedere præsumpsi tam indigne et impudenter; quod sanctissimum Corpus tuum et sacratissimum Sanguinem tuum tractavi et sumpsi tam indevote et irreverenter. Remitte mihi, clementissime Deus, quidquid in hac Missa, tam in dicendis quam in agendis, transvi incante et negligenter. Mi Domine, Deus, omnem indignitatem et impudentiam, omnem indevolutionem et irreveren-

tiam, omnem injuriam et negligentiam, omnemque ingratitudinem et indecentiam meam, quam commisi circa hoc tuum Venerabile Sacramentum, oro, dimitte mihi, Pater misericordiarum, pro tua misericordia in æternum.

Anima Christi, etc. pag. 45.

Pii affectus ad Jesum.

Ecce, Domine Jesu, jam habeo te, qui habes omnino. Possideo te, qui potes et possides omnia. Ergo, o Deus meus et omnia, abstrah cor meum a cæteris omnibus extra te, in quibus nihil nisi vanitas et spiritus afflictio. In te uno fixum sit cor meum. In te sit requies mea, in quo est thesaurus meus, summa veritas, vera felicitas et felix æternitas.

Sentiat, o Jesu, mens mea dulcedinem præsentiae tue: gustet quam suavis sis, Domine, ut inescata amore tuo, nihil querat extra te.

Tu es Medicus animæ meæ, languores nostros tuo labore sanasti; ego vero sum infirmus ille, ad quem sanandum de cœlo venisti. Itaque sana animam meam, quia peccavi tibi.

Tu es Pastor meus, qui posuisti animam tuam pro ovibus tuis, et ego ovis illa, quæ perierat; et tamen dignaris me pascere Corpore et Sanguine tuo: suscipe me nunc in humeros tuos. Quid negabis mihi, qui te ipsum dedisti? Rege me, et nihil mihi deerit in loco pascuæ, ubi me collocasti: donec ad pacuæ vitae æternae perducar.

O Lux vera, quæ illuminas omnem hominem venientem in hunc mundum, illumina oculos meos, ne umquam obdormiam in morte.

O Ignis jugiter ardens, ecce me tepidum et frigidum: ure renes meos et cor meum, ut ardeant amore tui.

O Rex celi et terræ, ecce ego egenus et pauper sum ; adjuva me et ex thesauris bonitatis tuæ succurre inopi animæ meæ.

O Dominus meus, et Deus meus, ecce servus tuus sum ego : da mihi intellectum, et excita affectum, ut sciam et faciam voluntatem tuam.

Tu es Agnus Dei, qui tollis peccata mundi ; tolle de me, quod mihi nocet et tibi displicet.

O Deus meus et omnia, absorbeat, quæso, mentem meam vis ignita et melliflua amoris tui : ut amore amoris tui moriar, qui amore amoris mei dignatus es mori. O Deus meus et omnia ! Amen.

Oratio ad B. M. V.

Intercedere digneris pro me, o *Regina Prophætrum*, apud Filium tuum, Dominum nostrum Jesum-Christum, qui nunc animam meam sanctissimo Corpore, et pretiosissimo Sanguine suo cibare dignatus est ; ut viva fide semper cœlestia Mysteria pertractem, cunctaque illa præ cæteris curem, quæ ad Eucharistiam, sive sancte sumendam, sive devote adorandam, sive digne distribuendam et conservandam spectant. Amen.

Oratio ad Sanctos.

Suppliciter te deprecor, dulcissime Jesu, per merita et intercessionem S. Angeli Custodis, S. Joseph, SS. Patronorum meorum N. N. et Sancti N., tribuant mihi tua, quæ sumpsi, Sancta fervorem, ut tibi, Domino Deo meo, omnibus diebus meis, inter adversa sicut inter prospera, serviam corde magno et animo volenti. Amen.

O misericordia tua, quæ non habes finem ! O misericordia tua, quæ non habet finem !

DIES XXVIII.

ANTE MISSAM.

Totus homo pavet, totus mundus contremiscat et colum exultet, quando super altare in manibus Sacerdotis est Christus, Filius Dei vivi. O admiranda altitudo ! O stupenda dignatio ! O sublimitas humilis ! quod Dominus universitatis, Deus et Dei Filius sic se humiliat, ut pro nostra salute sub modica panis formula se abscondat. (S. Franc. Ass. Epist. 12.)

Præparatio

EX MISSA S. JACOBI APOST.

Domine, qui visitasti nos in misericordia et commiseratione, et nobis abjectis peccatoribus et indignis servis tuis concessisti, ut confidentes accedemus ad sanctum Altare tuum, et offerremus tibi tremendum hoc et incruentum Sacrificium pro nostris peccatis et ignorantias populi. Respic in me servum inutilem, et dele per viscera misericordiae tuæ delicta, et pura redde labia mea et cor ab omni inquinatione carnis et spiritus, et averte a me omnem cogitationem turpem et insipientem, et idoneum me fac virtute Spiritus tui sanctissimi ad hoc sacrum Ministerium, et recipe me tua bonitate accendentem ad sanctum Altare tuum.

Placeat tibi, Domine, ut hæc quæ offerimus dona manibus nostris accepta tibi sint, meisque infirmatibus condones, et ne projicias me a facie tua ; neque meam indignitatem averseris ; sed miserere mei secundum magnam misericordiam tuam, et secundum multitudinem miserationum tuarum dele ini-

quitates meas, ut inculpate accedens ante gloriam tuam, dignus sim, qui operiar protectione unigeniti Filii tui, et illuminatione Spiritus tui sanctissimi ; nec ut servus peccati reprobus flam, sed ut servus tuus gratiam inveniam et misericordiam, ac peccatorum remissionem coram te, nunc et in futuro sæculo.

Deus, qui propter magnum atque ineffabilem erga homines amorem misisti Filium tuum unigenitum in mundum, ut orem errantem reduceret, ne averseris nos peccatores, tremendum hoc et incruentum Sacrificium attrahentes. Non enim in nostra justitia confidimus, sed in benigna misericordia tua, qua genus nostrum redemisti. Supplicamus et imploramus bonitatem tuam, ne Mysterium hoc, quod ad salutem nobis dispensatum est, in condemnationem populo sit, sed in abolitionem peccatorum, ac animarum et corporum renovationem ; utque tibi, Deo et Patri, gratum sit, per misericordiam et Humanitatem unigeniti Filii tui, cum quo benedictus es cum sanctissimo et vivificantे Spiritu tuo, nunc et semper et in sæcula.

Actus virtutum Theologicarum.

Credo, Domine Jesu, quod tu in Sanctissimo altaris Sacramento vere, realiter et substantialiter sis præsens, quia tu ipse dixisti. Spero in te, qui sumen-tibus te vitam promisisti. Amo te, qui ex amore nostri mortem subire voluisti et te ipsum nobis in cibum reliquisti in augustissimo altaris Sacramento. Utinam, Domine Jesu, illa fide, illa spe et charitate ad sanctum altare possem accedere, cum quibus sancti tui hæc sacra Mysteria peragebant ! Illorum merita, Domine Deus, meam suppleant inopiam !

Pli affectus ad Jesum

EX S. HIERONYMO.

Domine Jesu, quis ego sum, ut intres sub tectum meum ? An melior ego sum quam tot Patriarchæ antiqui foederis, quibus tamen non concessisti, ut te sic haberent, sicut ego te habeo ? Quam profunde te dimittis, Domine, ut visites me pauperem et publicanum ! Satis tibi non erat, o dulcissime Salvator in terris his videri et cum hominibus conversari : sed insuper precepisti nobis, ut te comedamus. O mira tua circa nos pietatis dignatio !

Oratio

S. ANSELMI CANTUAR.

Oro dulcissimam misericordiam tuam, suavissime Jesu, pasce miseram animam meam, ne fatigata in hac peregrinatione deficiat. Tua me, Domine, bona-
tas creavit, et patienter hactenus me quotidie pec-
cantem expectavit. Potentia Divinitatis tua fecit me,
humilitas autem Humanitatis tua refecit me. Tu,
Domine Jesu, qui natus de sancta Virgine, veram ex
ea Carnem accepisti, pasce peccatricem animam
meam hac eadem tua sancta Carne, et satia illam
tua sancta dulcedine.

Oratio ad B. M. V.

Regina Apostolorum, quos post mortem dilectissimi
Fili opera et consilio in Evangelii propagatione ad-
juvisti, quæque plus illis omnibus pro consolidanda
Ecclesia laborasti, ora pro me, ut in sacris peragen-

dis Mysteriis eorum fidei et fervoris fiam particeps et officium meum sacerdotale pariter Deo cedat in honorem, Ecclesiae in ædificationem et cunctis fidelibus, vivis et defunctis, in salutem. Amen.

Oratio ad Sanctos.

Offero tibi, Domine, merita et virtutes S. Angeli Custodis, S. Joseph, SS. Patronorum meorum N. N. et Sancti N., quibus desiderarem ut essem ornatus, dum ad totius Sanctitatis auctorem sum accessurus. Ipsiſ intercedentibus, oro Te Domine, condona mihi indignitatem meam, et ad sacrum tuum convivium me misericorditer admitte, ut ibi in gaudio spiritus manducem Panem Cœli, omne delectamentum in se habentem. Amen.

DIES XXVIII.

POST MISSAM.

Oratio ad Patrem et Filium

EX B. PETRO CANISIO.

O Pater æterne, ecce hic est Filius tuus dilectus, in quo tibi semper complacuit. Respic in faciem Christi tui et averte faciem tuam a peccatis meis, propter quæ Unigenitus tuus humiliavit semetipsum, tibi factus obediens usque ad mortem Crucis. Ecce hic est advocatus noster apud te et propitiatio pro peccatis nostris. Ipse enim peccata nostra pertulit in corpore suo super lignum et livore ejussanati sumus. Percutio itaque cum Publicano, ex intimo dolore, cor meum tantis reatibus obnoxium, quæ sola ad tanta supplicia traxerunt Unigenitum tuum. Per hunc ergo

propitiussi mihi peccatori. Ecce vox Sanguinis Filii tui clamat ad te de terra, non vindictam, sed veniam et misericordiam. Passio et Morsejus sint mihi, precor, in remedium et indulgentiam peccatorum meorum Vulnera ejus medela fiant animæ meæ in vitam æternam.

O Redemptor meus, Jesu-Christe, benedico te pro amabili memoria, quam nobis in venerabili Sacramento Eucharistie reliquisti; et obsecro te per conversionem Panis et Vini in Corpus et Sanguinem tuum, et per conversionem divinæ iracundiae in misericordiam tempore crucifixionis et mortis tuæ, et per omnia viscera paternæ clementiæ tuæ, ut me et omnes peccatores convertas ad te et transmutes in te, et me et omnia mea dirigas ad bonum finem. Amen.

Brevis Paraphrasis precatio[n]is

Anima Christi.

Anima Christi sanctifica me. Anima sanctissima sanctifica animam meam peccatricem, tribuendo illi Fidem vivam et firmam, Spem robustam atque inconcussam. Amorem Dei et proximi ardentem, Contritionem de omnibus peccatis meis perfectam, Humilitatem profundissimam, Mansuetudinem immutabilem, Castitatem animæ et corporis mundissimam, in adversis Patientiam et cum voluntate divina Conformatatem. Zelum vere sacerdotalem pro gloria tua et animarum salute, atque affectuosam devotionem erga sanctissimum tuum Sacramentum, tuumque Cor divinissimum.

Corpus Christi salva me. Per Corpus tuum sacratissimum, Domine Jesu, merear ab omni malo tum corporis tum animæ liberari, ab omni peccato et pec-

cati periculosa occasione defendi, a morte æterna præservari, et post mortem tecum in celis uniri.

Sanguis Christi inebria me; ut hoc spirituali musto spiritualiter ebrius mei obliviscar, mundo mortuus mundum despiciam et sancto æstuvans amore, pro Dei causa quidvis agam et patiar.

Aqua lateris Christi lava me; ut anima mea ab omnibus peccatorum sorde et macula mundetur, et per virtutem divinissimæ hujus Aquæ super nivem debetur.

Passio Christi conforta me. Tribue mihi in sanctis meis propositis constantiam. Contra omnia mihi adversantia me tua virtute con firma; ut in infirmitatibus meis, in contumeliis, in necessitatibus, in persecutionibus, in angustiis potens fiam, omniaque gravia propter te forti et alacri animo sustineam.

O bone Jesu exaudi me. Tu, o Jesu, es dives in omnes, qui invocant te, tu es Deus misericordiarum, et ego sum miser et miserabilis, et pauper et cæcus et nudus; pro tua benignitate ergo de tuis divitias dita me.

Intra vulnera tua absconde me. Vulnera tua asylum misericordiæ constituisti; in illis ergo absconde me, ne preda hostium fiam, aut in manus offensi mei Domini incidan.

Ne permittas me separari a te. Per virtutem sacra tissimorum tuorum vulnerum obsecro te, Domine Jesu, ne umquam permittas, ut separer a te, sive per peccatum hic in terris, sive in altera vita per damnationem.

Ab hoste maligno, qui tamquam leo rugiens circuit querens quem devoret, defende me; ne umquam dicat inimicus meus: prævalu aduersus eum:

In hora mortis meæ, in hora illa terribili, dum dominum æternitatis ingrediar, non meis meritis, sed tua permotus misericordia, voca me, et jube me venire ad

te, summum et unicum bonum meum, ad cuius frumentum vocatus sum; *ut cum Sanctis tuis*, in quorum consortio, licet indignus, a tua infinita misericordia admissus, laudem te, Deum et Salvatorem meum, *in sæcula sæculorum. Amen.*

Oratio ad B. M. V.

Adesto mihi, o Maria, *Regina Apostolorum*; ut sub tua protectione fideliter pro Jesu-Christo legatione fungar, et ex frequenti usu coelestium Sacramentorum magis magisque zelo apostolico accendar, quatenus fidelem populum viam salutis æternæ verbo et exemplo doceam, et ad illam sequendam consilio et opera jugiter adjuvem. Amen.

Oratio ad Santos.

Domine, Deus omnipotens, qui me in misericordia tua ad officium Sacerdotale eligere dignatus es, te oro per intercessionem S. Angeli Custodis, S. Joseph, SS. Patronorum meorum N. N. et Sancti N., ut hoc sentiam in me quod et in Christo Jesu, quem in partem hereditatis meæ et calicis mei elegi, quatenus non solum nomine sed et omni sim alter Christus. Amen.

DIES XXIX.

ANTE MISSAM.

Sacerdotii aspice dignitatem: agitur quidem in terra, sed officium ejus coelestibus negotiis continetur. Non enim homo, non Angelus, non Archangelus, non aliqua alia creatura, non Virtus, sed ipse Spiritus Sanctus hoc munus instituit, atque adhuc in carne manentes